



Ngā Tikanga Māori o te Tiro Huarere, me te Āhuarangi

Nāwai rā, ā, kua whai mātauranga hōhonu te Māori ki te huarere me te āhuarangi. Ko ngā akoranga mai he mea tūhono ki ngā whakaharatau o nāianei o te ahuwhenua, o te whakatere waka, o te hī ika, me te manaaki taiao.

Kua kōkiritia e Te Kūwhaha o Taihoro Nukurangi me ngā matāwaka huri noa i Aotearoa, tētahi kaupapa hei tirotiro i te mātauranga Māori e pā ana ki ngā rerekētanga o roto o te huarere me te āhuarangi. I tautuhitia e te kaupapa nei te hohonutanga o ngā mātauranga a Ngāi Māori me ūna mōhiotanga, ngā momo whakapapa mō te huarere me te āhuarangi, otiā ngā kōrero ā waha mō te tiro whānui o te huarere me te āhuarangi. Waihoki, he nui whakaharahara te hononga o ngā tohu o te taiao ki te matapae o te huarere me te āhuarangi.

Kei tēnei pānui tētahi kōwhiringa o ngā tohu ā-taiao a te Māori puta noa i Aotearoa mō te matapae i te huarere me te āhuarangi. He aha koa nō ēnei rohe noa, he mea whakamahi ki rohe kē, ki roto o iwi kē. Tēnā pea he maha anō ngā tohu o te wā, o te rā, te marama, te tau kei te heke mai. He tika, kei ngā ara tuka o nāianei mō te tohu huarere ētahi pukenga nui, kei te pai haere ake tonu, heoi anō kei ngā tikanga o te mātauranga Māori anō hoki ētahi huarahi hei whakamārama kē ake i ūtātou mōhiotanga ki ēnei mea te huarere me te āhuarangi.

Te Huarere

Nō te mēneti, te rangi, te wiki pea te āhua o te rā, ko ia rā o te huarere (arā, tō kitenga, atu i tō matapihi ia rangi, me ngā rangi tata noa mai).

Ingoa	Tohu	Tukunga Iho	Iwi/Rohe
	Kārearea	1. Tiwha mai ana te kārearea, 1. He rangi hāuaea he rangi pai te huarere āpōpō 2. Tiwha mai ana te kārearea, 2. He rā paki āpōpō he rangi kōaua	Ngāpuhi Taitokerau
	Pūkeko	Ka pikī te pūkeko ki ngā hiwi.	He āwhā, he waipuke kei te tata mai
	Kākā	Ka oreore, ka kōwiriwiri, ka tioro ki runga ake o te ngahere	Ngāti Pare Hauraki
	Ruru	Kei te rangona te kāhui ruru e tiororo mai ana i te pō	He ua kei te tata mai
	Ngā ngaru	Rangona ana te tukitukinga o ngā ngaru ki te riū	Te Roroa Taitokerau
	Pakakē	1. He āhua mārō te pakakē 2. He ngohengohe te pakakē	1. He ua, he āwhā kei te tata mai 2. He rā paki kei to tata mai
	Rāwaru	He kōwhatu kei te puku	He āwhā kei te tata mai
	Te Moenga-i-hau-e-Poutama	He kapua nunui i runga o Moehau	Ngāti Pare Hauraki
	Whakaari	1. Kei te taha maui te takotoranga o te puhangā puia 2. Takoto kau ana te puhangā puia, ka whati	1. He marangai kei te tata mai 2. He āwhā kikio rawa atu kei te tata mai
	Te Rā	1. Karapotitia ana te rā ki te āweho mārama 2. Karapotitia ana te rā ki te āweho hinapōuri	1. He āwhā kei te tata mai 2. He āwhā kei tua noa atu
	Kōhara	Hikohiko mai ana te Kōhara i te pae	Mai i te taha mārama atu o ngā hikonga te hau
	Mangoroa	1. E piko ana a Mangoroa 2. E torotika ana a Mangoroa	1. He kōripo mārama 2. He huarere pai

Te Āhuarangi

Ko te āhuarangi te roanga o te huarere kua inetia ā-toharite ki ngā marama, ki ngā tau, ki ngā rautau rā anō pea (arā, he makariri ake tēnei tau i ērā o mua noa).

Ingoa	Tohu	Tukunga Iho	Iwi/Rohe
	Pīpīwharauroa	Te hokinga mai o te pīpīwharauroa	Ka mahana haere te huarere
	Kūaka	Te hokinga mai o te kūaka	Ngāti Pare Hauraki
	Matuku-hūrepo	He haereere a Matuku i te pō me te tangi hū tonu	Ngāti Ruanui Taranaki
	Kōtuku	He maha kā kōtuku e hoki mai ana i te wā o te raumati	He tūpuhi, he takurua makariri rawa kai te haere
	Puahou	1. Matua pūawai ana ngā peka o raro ake 2. Matua pūawai ana ngā peka o runga ake	1. He tau mahana, he tau makuru 2. He tau makariri, he tau huakore
	Pōānanga	He maha ngā puāwaitanga	He tau mahana, he hau mārire
	Pōhutukawa	1. Timata ana te pūawai mai i runga, ki raro 2. Timata ana te pūawai mai i raro, ki runga	1. He tau makariri, āhua hōtoke kei te tata mai 2. He tauraki, he tau paki kei te tata mai
	Ti kouka	He moata, he nui te pūawai	He raumati wera me te roa
	Pareārau	He pūkohukohu te whiti mai	He mārama kōuaua
	Te Marama	1. Ka noho te mārama ki runga i tana tūra 2. Ka matika te tū o te mārama	Te Whānau-ā-Apanui Te Tairāwhiti
	Autahi	1. He whiti whakatētonga ngā hihi 2. He whiti whakateraki ngā hihi	1. He tau kōuaua 2. He tau mahana
	Matariki	1. Kei te mārama te whiti o ngā whetū katoa o Matariki 2. Kei te āhua mate te māramatanga o ngā whetū katoa o Matariki	Ngāi Tūhoe Mātaatua